







遠西奇器圖說錄最

奇器圖說乃遠西諸儒携來彼  
中圖書此其七千餘部中之一  
文就一支中此特其千百之什  
一耳余不敏竊嘗仰窺制器尚  
象之旨而深有味乎璇璣玉衡



之作一器也規天條地七政咸  
在萬禩不磨奇哉幾以尚已考  
工指南而後代不乏宗工哲匠  
然自化人奇肱之外巧絕弗傳  
而木牛流馬遂擅千古絕響余  
甚慕之愛之間嘗不揣固陋妄



製虹吸鶴飲輪壺代耕及自轉  
磨自行車諸器見之者亦頗稱  
竒然于余心殊未甚快也偶讀  
職方外紀所載竒人竒事未易  
更僕數其中一二竒器絕非此  
中見聞所及如云多勒多城在



山巔取山下之水以供山上運  
之甚艱近百年內有巧者製一  
木器能盤水直至山城絕不賴  
人力其器自能晝夜轉運也又  
云亞而幾墨得者天文師也承  
國王命造一航海極大之船舶



成將下之海計雖傾一國之力  
用牛馬駱駝千萬莫能運也幾  
墨得營作巧法第令王一舉手  
引之舶如山岳轉動湏臾卽下  
海矣又造一自動渾天儀其七  
政各有本動凡列宿運行之遲



疾一一與天無二其儀以玻璃  
爲之悉可透視真希世珍也職  
方外紀西儒艾先生所作其言  
當不得妄余益爽然自失而私  
竊嚮往曰嗟乎此等奇器何緣  
得當吾世而一覩之哉丙寅冬



余補銓如都會龍精華鄧函璞  
湯道未三先生以候

旨修曆寓舊邸中余得朝夕晤  
請教益甚謹也暇日因述外紀  
所載質之三先生笑而唯唯且  
曰諸器甚多悉者圖說見在可



覽也奚敢妄余亟索觀簡帙不  
一第專屬奇器之圖之說者不  
下千百餘種其器多用小力轉  
大重或使升高或令行遠或資  
修築或運芻餉或便泄洩或上  
下舫舶或預防災祲或潛禦物



害或自春自解或生響生風諸  
奇妙器與不備其有用人力物  
力者有用風力水力者有用輪  
盤有用關捩有用空虛有卽用  
重爲力者種種妙用令人心花  
開爽間有數製頗與愚見相合



閱其圖繪精工無比然有物有  
像猶可覽而想像之乃其說則  
屬西文西字雖余嚮在里中得  
金四表先生為余指授西文字  
母字父二十五號刻有西儒耳  
目資一書亦畧知其音響云顧



全文全義則茫然其莫測也於  
是亟請譯以中字鄧先生則曰  
譯是不難第此道雖屬力藝之  
小技然必先攷度数之學而後  
可蓋凡器用之微湏先有度有  
數因度而生測量因數而生計



筭因測量計筭而有比例因比例而後可以窮物之理理得而後法可立也不曉測量計筭則必不得比例不得比例則此器圖說必不能通曉測量另有專書筭指具在同文比例亦大都



見幾何原本中先生爲余指陳  
余習之數日頗亦曉其梗槩於  
是取諸器圖說全帙分類而口  
授焉余輒信筆疾書不次不文  
總期簡明易曉以便人人覽閱  
然圖說之中巧器極多第或不



甚關切民生日用如飛鳶水琴  
等類又或非國家工作之所急  
需則不錄特錄其最切要者器  
誠切矣乃其作法或難如一器  
而螺絲轉大多工匠不能如法  
又或器之工值甚鉅則不錄特



錄其最簡便者器俱切俱便矣  
而一法多種一種多器如水法  
一器有百十多類或重或繁則  
不錄特錄其最精妙者錄既成  
輒名之為遠西奇器圖說錄最  
云客有愛余者顧而言曰吾子



嚮刻西儒耳目資猶可謂文人  
學士所不廢也今茲所錄特工  
匠授藝流耳君子不器予何敝  
敝焉於斯矧西儒寓我中華我  
輩深交固真知其賢矣第其人  
越在遐荒萬里外不過西鄙一



儒焉耳奚爲偏嗜篤好之若此  
余應之曰學原不問精麤總期  
有濟於世人亦不問中西總期  
不違於天茲所錄者雖屬技藝  
末務而實有益於民生日用國  
家興作甚急也儻執不器之說



而鄙之則尼父繫易胡以又云  
備物制用立成器以爲天下利  
莫大乎聖人且夫畸人罕遘紀  
學希聞遇合最難歲月不待明  
睹其奇而不錄以傳之余心不  
能已也故嚮求耳目之資今更

求爲手足之資已耳他何計焉  
夫西儒在茲多年士大夫與之  
遊者靡不心醉神怡彼且不驕  
不吝柰何當吾世而覲面失之  
古之好學者裹糧負笈不遠數  
千里往訪今諸賢從絕徼數萬



里外齋此圖書以傳我輩我輩  
反忍拒而不納歟諸賢寥寥數  
輩胥皆有道之儒來賓來王視  
昔越裳肅慎不啻遠之遠矣正  
可昭我明聖德來遠千古罕儷  
之盛邇來余省新從地中掘出

一碑額題景教流行中國碑頌  
乃唐郭子儀時所鐫千載如新  
與今日諸賢所傳敬天主之教  
一一若合符節所載自唐太宗  
以後凡六帝遞相崇敬甚篤也  
在昔已然今又何嫌忌之與有



客又笑謂余曰是固然矣第就  
子言耳目有資手足有資而心  
獨可無資乎哉西儒縹緲盈室  
資心之書必多子不之譯而獨  
譯此器書何也余俯而唯唯曰  
有迹之器具麤可指陳無形之

理譚粹難究竟余小子不敏聊  
以辨此足矣若夫西儒義理全  
書非木天石渠諸大手筆弗克  
譯也此固余小子昕夕所深願  
而力不逮者其尚俟之異日客  
遂領然而去余因併錄其言以



識歲月

省

天啓七年丁卯孟春關中涇邑  
了一道人王徵謹識

遠西奇器圖說錄最凡例

一正用

重用

借資

窮理格物之學

度學

一引取

勾股法義

圓容較義

數學

視學

呂律學

同文箚指

天主實義



益憲通考

泰西水法

幾何原本

坤輿全圖

簡平儀

渾天儀

天問畧

一制器器

度數尺

畸人十篇

七克

自鳴鏡說

望遠鏡說

職方外紀

西學或問

西學凡

驗地平尺

合用分方分圓尺

兩端即兩規矩

闔闢分方分圓各由一分起至十分尺

規矩

兩足規矩

三足規矩

兩螺絲轉闔闢定用規矩

單螺絲轉闔闢任用用規矩

畫銅鐵規矩

畫紙規矩

作鷄飛形規矩

作螺絲轉形規矩

移遠畫近規矩



寫字以大作小以小作大規矩

螺絲轉母

活鋸

雙翼鑽

螺絲轉鐵鉗

一 記號

號必用西字者西字號初似難記然正因其難記欲覽者怪而尋索必求其得耳況號止二十形象各異又不甚煩不甚難乎今將西字總列于左即以中字並列釋之以便觀覽且欲知西字止二十號耳可括





橫梁

架

方架

槓杆

立軸

長軸

輪

攪輪

斜輪

側梁

高架

短架

軸

平軸

觚軸

立輪

平輪

飛輪

行輪

鼓輪

輻輪

燈輪

風輪

十字平輪

木板立輪

鋸齒輪

上下相錯鋸齒輪

星輪

齒輪

觚輪

水輪

十字立輪

半規斜輪

木板平輪

半規鋸齒輪

左右相錯鋸齒輪



曲柄

上下立轉曲柄

雙轆轤

推車

駕車

龍尾車

索

垂索

纏索

左右對轉曲柄

單轆轤

滑車

曳車

玉衡車

恒升車

曳索

轉索

水戽

水杓

鶴膝轉軸

風扇

活地平

一諸器所用

用器

用馬

用水

用重

連珠屏

風篷

活輓木

活桔槔

用人

用風

用空

用槓



用輪

用龍尾

用秤杆

用滑車

用螺絲

用攪

用轉

用推

用曳

用揭

用墜

用薦

用提

用小刀

用大刀

用一器

用數器

用相等之器

用相勝之器

用相通之器

用相輔之器

一諸器能力

能以小力勝大重

能使重者升高

能使重者行遠

能使在下者速上而窮

能使不動者常動而不息

能使不鳴者自鳴

能使不吹者自吹

能使大者小

能使小者大

能使近者遠

能使遠者近



一諸器利益

省大力

免大勞

解大苦

釋大難

節大費

長大識

增大智

致一切難致之物平易而無危險

一全器圖說

起重圖說

引重圖說

轉重圖說

取水圖說

轉磨圖說

解石圖說

轉書輪圖說

代耕圖說

取力水圖說

人飛圖說

解木圖說

轉碓圖說

水轉日晷圖說

水鏡圖說

書架圖說





遠西奇器圖說錄最卷第一

西海耶蘓會士鄧玉函

口授

閩西景教後學王徵

譯繪

金陵後學武位中較梓

奇器圖說譯西庠文字而作者也西庠凡學各有  
本名此學本名原是力藝方藝之學西庠首有表  
性言且有解所以表此學之內美好次有表德言  
所以表此學之外美好今悉譯其原文本義兩列  
於左



力藝 原名

表性言

力藝重學也

力是氣力力量如人力馬力水力風力之類又用力加力之謂如用人力用馬力用水風之力之類藝則用力之巧法巧器所以善用其力輕省其力之總名也重學者學乃公稱重則私號益文學理學筭學之類俱以學稱故曰公而此力藝之學其取義本轉屬重故獨私號之曰重學云

原解表性言

蓋此重學其總司維一日運重

凡學各有所司如醫學所司者治人病疾等學  
所司者計數多寡而此力藝之學其所司不論  
土水木石等物則總在運重而已

其分所有二一本所在內曰明昭一借所在外曰  
圖籍

人之神有三司一明悟二記含三愛欲凡學者  
所取外物外事皆從明悟而入藏於記含之內



異日明悟愛之而欲用之直從記含中取之足  
矣此學之本所在內者也至古人已成之器之  
法載在圖籍則又吾學之借所也故曰在外  
其造詣有三一由師傳一由式樣一由看多想多  
做多

凡學皆須由此三者而成而此力藝之學賴此  
三者更亟不得師傳不會做不有式樣亦不能  
憑空自做兩者皆有矣而眼看不熟心想不細  
手做不勤終亦不能精此學益大匠能與人規

矩不能使人巧巧必從熟習而後得也故曰熟  
慣如自然三者並重而第三尤為切近何也師  
傳易明但師不克常在則難式樣最便然亦有  
有式樣而不能便惺然者故自己省多想多做  
多尤勿近也

其作用有四一為物理二為權度三為運動四為  
致物

理如木之有根本也木有根本則千枝萬實皆  
從此生故人能窮物之理則自能明物之性一



理通而衆理可通一法得而萬法悉得矣窮理  
原為學者之急務而於此力藝之學尤為當務  
之首理既窮矣假如兩理不知誰重誰輕則必  
權之度之理因相比而可較然其自分也故權  
度次之夫理窮而權度亦既審矣夫然後遇物  
之重者舉人力所不能運所不能動者以此力  
藝學之法之器而運動之無難也故運動又次  
之顧運動何為總欲致其物耳假如人生有飢  
有寒則思致飲食致衣服諸物避風避雨則思

致城郭致宮室諸物防物害防敵攻則又思致  
干戈致火器諸物凡此諸物非此力藝之學莫  
能致之故以致物終之者正以明此學大用之  
終竟耳四用似有先後而實皆相聯假如欲致  
物不得運動法則不能致欲運動不得權度則  
運物無法而權度不根諸窮理則將熟權熟度  
焉故四者相須總為此學之大用

其所傳授因起則有五一始祖遞傳二窘迫生心  
三觴物起見四偶悟而得五思極而通



相授之原從人之始祖亞當受之造物主以後  
遞相傳於子孫然特傳其耕作罷耳至後將近  
四千年有一大人名亞希默得新造龍尾車小  
螺絲轉等罷又能記萬罷之所以然今時巧人  
之最能明萬罷所以然之理者一名朱多一名  
西門又有繪圖刻傳者一名耕田一名刺墨里  
此皆力藝學中傳授之人也其云窘迫生心者  
如因饑寒所迫則思作飲食作衣服因風雨所  
迫則思作城郭作宮室因物害敵攻所迫則思

作干戈作火器之類是也觴物起見者如觴於  
魚之搖尾水中則困之作柁觴于魚之以翅左  
右則困之作櫓觴於松鼠之伏板豎尾渡水則  
困之作帆之類是也偶悟而得者如一國王以  
純金命一匠作器匠潛以銀雜之王欲庶其弊  
弗得也亞希默得因浴而偶悟焉謂金與銀分  
兩等而體段大小不等金重而小銀重而大以  
器入水驗其所留之水誰多誰寡則金與銀辨  
矣遂明其弊而匠自服罪之類是也思極而通



者人能常思常慮則心機自然細密明悟自然  
開發所謂思之思之又重思之思之不得鬼神  
將通之者是也此數者雖不由傳授然有因而  
起故統系傳授之下而另列之爲因起云

論其料曰理曰法縱千百其無盡

料者力藝學中之材料也如一重物難起或用  
人力或用馬力或用閤按或用輪盤一法不足  
百法助之其機種種不同其材料不越理法兩  
端隨人明悟相度取用可千變萬化而不窮也

核其模有體有制實次第而相承

模即體制益有材料而不有體制作模則必不能成一器然體制雖或千百不同而其實則各各次第相承而不紊譬如自鳴鐘大輪小輪其中名目甚多必一一次第相聯而後可以自鳴也一紊其序則不成其用矣

所正資而常不相離者度数之學

造物主生物有数有度有重物物皆然数即美學度乃測量學重則此力藝之重學也重有重



之性理以此重較彼重之多寡則資筭學以此重之形體較彼重之形體大小則容測量學故數學度學正重學之所必須蓋三學均從性理而生如兄弟內親不可相離者也

所借資而間可相輔者視學及律呂之學

夫重學本用在手足而視學則目司之律呂學則耳司之似若不甚關切者然離視學則方圓平直不可作離律呂學則輕重疾徐甘苦高下之節不易協況夫生風生吹自鳴等器皆借之

律呂故兩學於重學雖非內親乎而實益友可  
相輔而不可少也

此其取精也既厚則其奏效也必弘故能力甚大  
其所裨益於人世者良多也命曰重學學者其可  
忽諸

夫此重學既從度數諸學而來其學可謂博而  
約矣原非一蹴而成功自可隨奏而輒效只就  
起重一節言之假如有重於此數百千人方能  
起或猶不能起而精此學者止用二三人即能



起之此其能力何如也既省多力又節大費且  
平實而不致儉危其裨益於人世也又何如故  
名以重學雖專爲運學而立名亦以見此學關  
繫至重有志於經世務者不宜輕視之耳  
或問表性言一句耳而解奚爲此此之多曰此  
學最奇亦最深不詳解不能遽曉此中之妙之  
法之性理故解已詳而余復爲詳註之者總期  
人人之易曉也

力 藝 內 性 圖

先

本

後

|    |    |    |    |    |    |    |    |    |
|----|----|----|----|----|----|----|----|----|
| 所  | 傳  | 造  | 料  | 資  | 模  | 司  | 用  | 效  |
| 明悟 | 窘迫 | 師式 | 曰理 | 度學 | 有體 | 一總 | 窮理 | 容易 |
| 圖籍 | 觸物 | 想習 | 曰法 | 數學 | 有制 | 曰重 | 權度 | 節省 |
|    | 偶悟 |    |    | 視學 |    |    | 運動 |    |
|    | 思極 |    |    | 律呂 |    |    | 致物 |    |



論

昔者聖人作經，其意深矣。不徒言其理，而

必以事證之。如論仁，則曰居處恭，執事敬，與人

忠。如論智，則曰知微，知章，知簡，知公。如論勇，則曰

見義而為，無所懼。如論禮，則曰節文，節制。如論義，則曰

宜，曰中，曰和。如論信，則曰不欺，曰無妄。如論孝，則曰

養，曰敬，曰愛。如論忠，則曰盡心，曰盡力，曰盡智。如論

義，則曰宜，曰中，曰和。如論信，則曰不欺，曰無妄。如論孝，則曰

力藝

表德言

前所表者重學之內性耳茲復表其外德  
是重學也最確當而無差

天下之學或有全美或有半美不差者固多差  
之者亦不少也惟筭數測量毫無差謬而此力  
藝之學根於度数之學悉從測量筭數而作種  
種皆有理有法故最確當而毫無差謬者惟此  
學為然非如他學此或以為可彼或以為否此



或見以為是彼復駁以為非者比蓋人同具明  
悟知其所以然自不得不是之非強也間有差  
亦非此學之差則器之材質或有差不則人之  
所作如法與不如法耳

至易簡而可作

蓋器之公者止有一器之所以然亦至有一且  
至為明白不依賴於多體況其體相聯不多如  
通一體則他體可以相推但一留心自可通曉  
不似他學費盡心力而猶或不易曉也其理易

明其法有迹而易見其器有悉而成式而可擬  
故此學至易至簡而人人可作

然竒古可怪聞者似多驚詫非常

人多勝多或人多而勝寡不怪也人寡能勝人  
多則可怪如以大力運大重奚足怪今用小小  
機器輒能舉大重使之升高使之行遠有不驚  
詫爲非常者鮮矣然能通此學知機器之所以  
然則怪亦平常事也試觀千鈞之弩惟用一寸  
之機萬斛之舟祇憑一尋之柁豈不可怪而世



因常常用之則亦視為日用家常物耳

而精妙難言見之自當喜慰無量

饑得養渴得漿則自生喜慰而此精妙之器乃  
吾人明悟之美味也同具明悟者寧能不喜況  
有大重於此用大力多力不能起者一旦用小  
力而大重自起見之有不喜慰者乎故器之精  
妙筆舌難盡形容但人一見器之精妙未有不  
歡欣慰悅者也昔亞希默得欲辯金與銀雜之  
故不得偶因沐浴而悟得其故則歡慰之極至

於忘其衣著赤身報王是一證也

堪為王作之督府

凡工匠皆有二等一在上一下在下者奉上之  
命躬作諸務有同僕役上者指示方畧而不親  
操斧鑿者也自有此學總百工之上者亦皆  
在下而此學獨在其上蓋百工之上者非此  
宗工無所取法無所稟承其尊貴有五一能授  
諸器於百工二能顯諸器之用三能明示諸器  
之所以然四能於從來無器者自創新器五能



以成法輔助工作之所不及故曰督府云

可開利益之美源

民生日用飲食衣服宮室種種利益為人世急需之物無一不為諸器所致如耕田求食必用代耕等器如水乾田乾水田必用恒升龍尾轆轤等器榨酒榨油必用螺絲轉等器如織裁衣服等必用機車剪刀等器如欲從遠方運取衣食諸貨物必用舟車等器如欲作宮室所需金石土木諸物必用起重引重等器人世急需之

物何者不從此力藝之學而得故即稱為衆美之源可也不寧惟是即救大災捍大患如防水害則運大石以築堤防火災則用吹筒以灑水遇猛獸則用弓弩刀鎗遇大敵則用拂郎大銳就中以寡勝衆之妙不能盡述則夫通此學者寧非濟開萬用之美源也哉推而廣之如鑿橫砂采取金鐵資貿易兵甲之費製風琴自奏音嚮佐清廟明堂之盛自鳴鐘自報時刻濟日晷晴陰之窮諸般奇器不但裕民間日用之常經



抑可裨國家政治之大務其利益無窮學者當  
自識取之耳

公用則萬國攸同

夫文物之邦無器不用固矣乃窮荒絕徼如綠  
頭國人在北極出地七十多度之下無城郭州  
縣可謂至僻之地至野之國矣亦知用皮船取  
水族用弓矢取鳥獸然則器用之公響大地無  
不同然何其廣耶

創垂則千古不異

造物主造有天地以後至洪水時人民衆多有一國王是女主名塞密刺密造一大府名巴必暖其城周六萬步高二十丈廣厚五丈周造城樓二百五十座用役一百三十萬人一年造完彼時無器不有無器不用傳至於今新新不已豈不千古如常也哉

制器之初本於人祖

造物主造有天地即造有人之始祖名亞當者與其妻名厄穢者置之地堂良和之處其初人



無疾病亦無老死五穀果木等類皆天地自然  
生成不勞人力其中一切鳥獸聽命於人無有  
毒害自亞當與厄機不遵主命犯誠得罪以後  
遂爾五穀難生鳥獸毒害有饑有寒有病有死  
男子則罰其耕田勞苦女子則罰其生育艱辛  
於是亞當始作耕田等器自求衣食故器用皆  
從始祖創制蓋亦繼天而立極半從人力半從  
天巧而得之者也

立法之妙合乎天然

天下之物皆天然自生自成而此器之法乃因  
物理而生而成所謂有物必有則者此也然法  
雖由於造作而比於生成之物則或有相似有  
相挈有相勝有相笑者非一端也譬如天體晝  
夜自行運旋而器之自轉磨自行車自鳴鐘等  
類輒能一一與天相似人之耳目手足自視自  
聽自行自持而器之製成人像者輒又手能自  
持自起足能自行自止目能自閉自張一一與  
人相似不謂巧擬化工矣乎間有物力人力不



能及者或以螺絲龍尾轆轤輪盤或用風用木  
用空皆可使之助其不及是為相幫所云參贊  
輔相殆亦此義歟至於以小力起大重運大重  
轉大重雖至重之物悉足勝之無難是天地間  
無有勝過此器者矣且重之性原在下而此器  
不特勝之者能使重者自上而不覺如鶴尾收  
水水止知其已下也而不知其已上也豈不可  
笑也哉有此數端故云立法之妙合乎天然詎  
曰小道之可觀實為大學之急務然此特撮其

梗槩下文方細為數陳



力 藝 外 德 圖

一 最確當

二 至易簡

三 似可怪

四 實可喜

五 工之督

六 美之源

七 徧萬方

八 傳千古

九 始人祖

十 合天然





